



夏赤城先生文集



^ 16  
2799  
2





16  
2799  
2

明夏赤城先生文集卷之六

詩七言古

有客寫華山圖捉筆戲贈

空腸無詩苦能索捉筆徒倚追風烟怪渠片紙大山  
出水墨淡沱開雲天坐使嵐光滿暗戶毫末未乾置  
我前猿鼬依稀涿深秀谷厓茫昧鳴微涓斲森匝翠  
石牀暝裘褐雍腫訝鬼仙驢背歸來解塵鞅自逢清  
世酣清眠乃知善手只畫意不近丹青亦自然我有  
素壁生塵烟松煤莫厭頻磨研

魯軒

昭和十九年  
十一月六日



家家欄檻吾戀繆此有幽軒今始到是時天晴日正  
暄開遍山茶午風鬧吳梅尺鐵蟠兩花濃丹淺絳相  
矜傲微篁吝篠足蕭疎翠栢綠松皆小巧似厭溪山  
欲閉門勺水纖蒲列巉峭荒欄古砌春熙熙巨盎大  
盆多未道尋常脚踏此軒前過往十年如夢覺一來  
嘆息不轉頭烏匝味絲掛衣帽爾家自是松菊主我  
亦平生山水拘作詩自訟謝主人從此客來須徑造  
說菊呈王三原先生

秋霜萬仞提肅殺百花齊死不敢活中有一種菊不  
達出面獨與金神說天有四時本生物那得秋冬偏  
兀兀百人從令一人越願留此種見賞罰

畫馬圖短歌

驂駟騏驎我所羨一生只看鵝溪絹沈郎馬圖又入  
手晚在長安日邊見我歌且舞到三更馬亦恍惚  
聞長聲黃金築臺買馬骨我欲抱汝朝紫庭恐有  
騏驎地下行

雷公

祝融放火燒白晝雷公驅水來相掄頓令大暑去几  
席更遣清風入窻雷病夫睡起出戶看白雨走階檐  
不覆黑雲遮天不見日霹靂打破青天漏須臾日出



如沐浴淨洗光輝臨宇宙病夫噉天白上帝請拜雷  
公爲盪寇

種柳

溪邊種柳今幾尺山蟬來號鴉可宅主人愛柳仍愛  
溪聽溪尚怪垂陰窄柳枝可斷沙可穿見事不爲非  
計得竭來飭奴具行鈿人課幾株留簿責綠蓑晨起  
聽雞聲白帽曉來冲鷺翮大枝如椽帶烟傾小枝如  
杖和露脈穿沙欲下防水深附土欲高恐風搯欲看  
玄蔭滿青沙須臾溪邊如列柵君不見六月火珠燒  
天紅行人兩手常在額澆沙之女撻水夫君看居士

施恩澤

獨逸軒

桑榆一徑通幽獨白雲飛盡階苔綠等閑何處避塵  
紛只看先生半窻竹綠苔兩屐暮歸去白雲來伴先  
生宿此軒若道荒忙時除是留賓視穀藪

龍鼻泉歌

巨靈何年一血指劈開百丈蒼色石驅龍出山不出  
山至今尚有蜿蜒跡雲斷天乾石自潤龍息深七泉  
一滴世間萬事見者真病眼摩挲尚青壁

畫山水爲潘梅壑題

畫內不出人耕釣鷄犬等俱  
無隱隱雨二茅屋而意自足



廉山樓高我已愛見畫山水令人開萬山只坐一幅  
絹雜暹暎夔藏風雷正嫌眼俗寫向此細認不休頸  
欲摧林深路絕經營到邈迤茅堂紅霧罩一離一拵  
自通人大者耕犁細漁釣良工意匠恥肖形宜晚姍  
笑收其能想當脫格掛素壁神愁鬼泣疑驚寔主人  
不敢供寒具老夫頻來淡吾慮始信一幅當千箱我  
欲操刀割山去白雲狼藉隨杖屨

望白鷺洲作

白鷺曾向江心過等閑坐占芳洲草朝飛暮宿自成  
家碧沙綠浪區中老江上雲光雨乍晴洲前樹色獨  
分明謫仙只說新林浦我亦金陵看水經

秋雨嘆

二首

兩脚坐痺忘四鄰於呼遠去空逡巡驚濤破楫石路  
滑翻思因臥漁樵人呼童沽酒走簑笠城郭蕭條午  
烟濕小姬二八獨當壚草箔疎櫺雨吹入

獨臥野庭雨聲劇連朝至暮隨霹靂高樹團雲濕不  
開蟬去蛙吟異風色人情好惡繫晴陰美人不來秋  
水深東家看天趣收穫一夜翻盆頭雪白

送陳令還莆陽

三年一琴官事了有疾無疾從他考得閒且去樂田



園分付傍人辦熙皞壺公山下逢異人拍手大笑歸  
來蚤富貴何曾潤髑髏世間合有長生草待到身輕  
藥驗時駕鴻來看去思碑

戲作愛菊嘆

吾儕愛菊成伎倆脚不如心坐而想了知容易斂芳  
華此去一樽徒快快曉光初出盞於酒樓上閑人望  
晴久屈指南鄰與北鄰喚起懶魔隨我走衰黃病紫  
尚扶疎笑問東君有酒無縱然枝落榦亦枯獨抱霜  
根醉百壺

栢軒攜酒霞亭兼呈潘朝宗坐客

八月不雨自六月哀壑無聲苦井竭百里一望千里  
同禾焦豈挽麻蒯折已聞農家食蕨死便恐儒生抱  
書絕鄰里蕭條少過從飲水相思看明月君能好事  
載酒來孤亭慘淡雙金罍亭中小兒亦沾濕一談一  
笑開胸懷向來聚散落風柳生理艱難趣杯酒於乎  
饑危更復因誅求停杯泣下山中久

和一坡歌賞月歲寒軒

誦君來詩爲君哀百年邂逅終憐才憶君坐牀歌未  
畢江流倒寫青天開我亟起坐君遲回空齋歲暮饒  
賓主逢掖在門煩躡履一坡後至藏書樓高燈火深業書引是也



帙窺窻畏諸子吾與一坡俱老矣

吳古心宅看菊作

陶令官閒只種菊圍牆鑿井霜苗綠時來酌賞誇品  
新翻怪紙本遺前人幹長正得拂衣領面匕清香吹  
酒醒未辭攜酒夜還來月出留看萬株影

題龍頭

名家古絹留八尺靜卷風雲開雨色想見推衣灑墨  
時霹靂掇空三日黑主人指索愧詞雄拍牀呼酒澆  
胸中却怪人間管遼東會須一起慰三農

畫梅爲齊廷甫

我生愛梅但少詩詩不必少少者奇今年擬整梅花  
什采到天寒已蕭瑟冰霜伎倆日在眼鐵石肝腸終  
嘔出名家古絹久所知提來便有春風隨披殘老幹  
初愈厲卷落疎花理更宜掛我東廂白版壁投情揣  
意饑得食只須淪茗對花光未要搯筇破苔色東君  
索題候頻匕嗜好可以觀其人營度許我三日共睡  
起屢作羅浮夢夢回枕上寂無人但聞鵲聲翻畫棟

畫梅爲劉文學桐

誰寫溪園萬玉姿掛於芹泮青泥壁使我一見一度  
憐攏白無詩定誰責手持盃酒幾欲迷好處未許枯



腸得竭來意足天機到大呼一斗留真跡花片驚飛  
苜蓿盤筆鋒掃落臯比席枝繁細數亂冰雪幹古徹  
看襍苔石荒烟落日爾應活欠畫疎松眼中碧老夫  
杖頭三十年指點梅花曾歷歷今之遇者亦好手恰  
似蒼崖舊相識笑折何如草棘間歲暮無人慘風色

昭君出塞

黃雲塞草路三萬紫袖銀鞍急如箭應有前時鴻雁  
飛砂磧不似宮中見誰令香淚濕祈連至今風日含  
煩冤雖然豈少宮人竈孰與青塚傳千年

雨後酌菊鄰家

十日雨聲斷行路幾家秋色庭除暮朝光夜朗未開  
時只恐好花天亦妬明日相將笑入門主人牽挽爲  
薄具長風吹晴落畫欄疎枝競爽收香霧

菊所三首爲族父宗嘉賦

白雲不動青山啞紅梅邊頭公坐馬此時有興人不  
知舉手趣歸花月下眼中一箇柴桑人東籬菊綻頻  
來把

風烟到處空盈把五色香雲留宇下主人有酒客能  
來但要杯行如走馬偃遍霜枝昨暮歸山城月落更  
半啞



投詩疾叩花神啞對酒長歌驚櫪馬空堦昨夜少人  
來應有嫦娥月中下五雲墮地曉不收攬得仙衣霞  
一把

次拙誠叔瑞雪韻

寒欺酒琖詩脾冷十丈深雲添夕暝玄冥幾許弄陰  
機白羽素翹俄壓境長原凝望渺晴川隘路卽看堆  
作嶺羸榻誰憐擁篲遲幽窗自喜攤書炯池清忽燦  
報還珠堦滿通窰催煮茗竹頭捨地松鼠摧事有相  
違閒訾省平明滲漉入黃壚礪匕江山如再整凝瑞  
占年頃有歌匕成見屬吾何幸

觀海短歌

麟兕橫波氣森爽怒螭激水過麟顙把酒聽雷看遠  
烟眼紆翻得勞心想歸途三日海意饒短歌對客風  
蕭蕭

詩長短句

王母獻桃歌爲邢子用母夫人作

三十辭家問仙真去年來振金陵塵塵中每憶白雲  
子爾乃聽說邢夫人夫人起善過三百眼底行仙人  
不識人不識紫皇知母結束來瑤池驂麟駕鳳百靈  
集紫氣香雲流屋壁金盤露葉實五色海官擎到青



童摘燕罷天漿發膚彩留核欲種甚相得豈獨金母  
亦有木公夫人參焉綠骨方瞳秋風吹蛾眉嫋匕五  
岳真圖看未了三足皓鹿遶牀行九光仙芝棄如草  
白雲爲司秋爲官夫人有子留人間幾年無歡彩衣  
襞皮相自是心如山有母之子皆如此三公不換一  
瓢水斷裾伏劍篤忠遺孝忘其始者不可爲教

蘭谷爲余惟馨賦

我如無伴竹脩匕寄塵軌子如幽蘭香細逐清風起  
岐路相看白日速買魚與子歌蘭谷

嶠江紀事

我行嶠江水夢落首陽山不見山人冰雪姿但見好  
女桃花顏曉起烟波望眼空縣官騎馬祠清風

種竹短歌爲潘堯卿

邠老善種竹堦前纔數窠清影不滿眼向人尚嫌多  
棲鳳只一枝化龍當幾何損翳借明月留地與青莎  
君不見東家種竹不知竹連山跨水難饒俗

前有樽酒行

昨暮雨洗殘暑收今朝快上東風樓主人置酒樓上  
頭盤案未徹語笑休流光幾何罷獻酬主人開樽客  
亦肯住百年行樂常苦稀留得青山遶原樹



久別離

美人別來良悠悠  
絨書不寄雷牀頭  
桃花幾回釀紅泥  
紫燕雙銜入翠樓  
傾情寫意心相結  
綠酒金樽對芳節  
對芳節恐遲暮  
涼風生鳴雁  
度別鄉  
千萬里離心竟前路

前有樽酒行

玉壺乳酒一色同  
素手提來笑春風  
笑春風聽我歌流光  
火急將奈何  
默坐青軒散桃李  
不如抱琰發陽阿  
乘健出遊遨  
開懷恣歡謔  
前有一罇酒  
何用銀毬繫牀脚

散鶴爲沈一之

羊叔子林君復  
詫舞傳聲俱有縛  
沈郎庭際縞衣鮮  
似葉如雲閒落鐸  
明朝罷啅松下苔  
一入帝閭非散鶴

憩松詞

憩松今已矣  
我作憩松詞  
百年棲息計  
逡巡惡木枝  
岡回隴秀一株好  
松下丈人跡已掃  
當日風絃猶高張  
祇今馨歆遺芳草  
石牀誰來掃清塵  
杖履想像於閒雲  
懸知雅舊分枝鶴  
狼狽歸來弔主人  
與謙亨子遊水碓頭  
是日激水麤效流觴爲樂



細草黃花烏石磯寒泉半尺搖玻璃懷吾素琴席華  
蔭朋來解帶掛高枝金杯蕩淥水羅袖拂晴漪白鳥  
好顏色也來隨我嬉前灘綸竿可魚膾後灘碓臼可  
米炊牀頭有錢不買醉人生一世渾多時

趙水部惠鹽

有客惠我鹽感客同遺珠三餐白飯不躊躇吁嗟乎  
傍無金鼎其何如

送吳黔陽

君未到黔陽我憶黔陽路黔陽道路入楚雲他日雲  
中會有君君今向何處還望天台樹天台路遙萬重  
山白水穿山流日暮君歸不得住我歸恐君去君去  
鳴琴隔湘烟飛聲直到 君王前呼取調舜絃

孤飛行

有鳥孤飛不迫羣雖有六翮疑風雲鳳凰他山斂翼  
坐衆鳥雜沓聲縕匕鳳凰指異鳥爾往取竹實一去  
三千歲歸來猶七七環視衆鳥羣不見亦不聞

遊古軒先是一日嘗酌酒茲軒之下

虛榻饒素塵間窻見紅葉昨日那人家主人期遠業  
一樽坐我羲黃前門外青山六萬年

行路難



獄中劍氣凌斗寒時無張雷作禮看僮奴有眼不識  
玉楚山足盡餘心肝行路難車折肘結髮知名今白  
首鄧家小兒方笑人笑人遲暮空輪困淹速亦有時  
扼腕甯自憐蘭芳菊晚秀驥蹠鴛駘先君不見亡人  
老歸國狂客掉舌同行年五伯桓文功最賢七十二  
城如崩川行路難心拳匕

明夏赤城先生文集卷之六

明夏赤城先生文集卷之七

詩五言律

秋日與潘堯卿王子春巷遊至暮

牢落二三子尋常語笑同薄遊窮巷北暝立古祠東  
破寂惟昏鳥添幽亦候蟲阿環呼我去燈影幾家紅

訪友烏岡暮歸

罷酒攜主人杖藜喧谷口日落烏石林風吹赭溪柳  
夕鳥先我歸朝花爲誰久入門何所歡弱子牽翁手

出郭

行來沙上好杖履鏡光中水幔移花日溪堂閉柳風



漁歌春渚靜鴉散晚墻空野老無人識土牀燈影紅

國清聞鶯

客來倒我瓶仍與客同行雲水留城缺塵歎入寺清  
赤日吟深殿溫風遶四楹焉知禪寂境兼得聽啼鶯

松巷

環山望雨頭疎樹疊清樓鄰翁立何事遠客過消憂  
雞留草根晚鶴睡蘿陰秋更有逃名者墻東不可求

寒明路

騎馬印晴沙兩巖如兩衙連山四里地流水幾人家  
石麟遊碧落金鵲厲枯槎寒拾藏名者千言我不邪

黃霧路晏行至昏

路轉金釵曲霜凋石髻清遠天將木盡短草與沙平  
水鷓行不避山鬼語無聲向夕風烟入仰看新月生

歲晚

歲晚芳情歇庭空索意侵雞棲寒日短鴉啅午烟深  
酣放許相逐衰榮看遞尋窻梅昨夜發一笑破窮陰

至日感事

四序催遲暮二儀開閉藏天時逢至日人事合扶陽  
蘭林停雪色梅堰動春光一物吾意裏長歌盡百觴

山居



冬日山窻下驚駘只去鞭饒晨散冰雪眺暮入風烟  
野水閒宗海江蕪遠戍邊人生反無事聖主問顛連  
問病外兄楊鐵蚤從先君涉歷江湖旣歸遇病  
因作此

野色荒荒白村煙裊匕黃春山圍坐馬晚路入陂塘  
姑舅非同姓江湖蚤對牀柴門人臥疾相見一沾裳  
送客還飯陳村移宿下西山因志喜二首

喜在安畊鑿從人問麥麻雙門臨野水獨月照田家  
犬臥長松樹雞棲短菊花本憂民力竭蔬肉戒紛奢  
今朝送客馬添識野翁堂地僻煙水秀山高雲水蒼  
清霜收芋栗短日下牛羊瓦瓊新芻有難消此路旁

路入

水木幽無際山行欲盡年沙光函短日石色濫寒川  
春事梅花小人家竹路偏野翁聽馬足展坐看青天

明巖二首

山圍十畝地仰面見青天我來三出日只看一隕泉  
丹壁從飄拂銀河與接連自將分硯水留姓白雲邊  
一箇飛泉寺千回亦不妨扶藜石氣冷到地水絲長  
酷愛拋朱紱頻來信紫韁石梁差可儼東望隔天光  
松廬對菊見蝶作



碧蘚深深院白沙短匕籬於此見春蝶飛匕下霜枝  
狂客還相過寒花方自疑憐君似有道違衆不爭時

松廬對蓮

拍匕盆池小亭匕翠蓋稀花時憐客至童子啓幽扉  
紅玉偏生水元珠本在衣荷寫濕衣因用佛事晚來山閣看只欠  
水禽飛

遊國清日中沙彌出飯無酒

雙澗好碧水五峯多繡雲十年雲水脚何處獨慙慙  
鳥下如聽梵僧來只愛文香廚炊黍熟陶令不須醺

遊國清留贈榮上人

寺遠門長寂人來落葉知尋僧白雲裏繫馬青松枝  
林拂相看舊山杯獨去遲前身許元度師是道林支

送張府公朝正

千里桑麻地三年政有餘江山霜後節筐篋御前書  
拜起風階細朝回星漢疎九重應錫問赤子近何如

幽尋

結束行春事青泥十里賒記林間好鳥失路對叢花  
馬放千頭牧農燒幾處畚無錢卽沽酒隔水那人家

春日柬謝方菊隱

卻光催我起連雨斷茲辰何處堪雙屐花時惱四鄰



春容全入圃老病不離身賴有方居士樽醪慰响頻

東閣枯松雪後杭東卿同賦二首

東掖有老樹非栢亦非欒鶴立枝猶在蟻穿皮半刊  
濤聲何處覓雪色共人看商略難為狀騫槎駐廣寒  
冰霜餘氣骨禁闕任摧隕榦有神扶在節由天賦來

松栢得正性  
故耐歲寒

幾時隨霹靂何意近罍罍日夕寬相對詩

成舞玉階

遊杭志路

出台宜小筍望剡戒輕航滹浦分秋氣錢淵即錢清覓

曉光江流辨吳越山在問興亡詎可杯無酒人生此

路傍

歲暮答客

客來強我語客去但高眠小寢春催柳孤城臘送年  
因循看佩劍磊落問吹烟及物非吾事饑烏啼暮田

熊侯請遊南溪暮歸

花縣彈琴罷中流趣羽觴仙舟同載郭漁艇異如棠  
沙雨班班細波雲冉冉涼定知歸路晚權影亂斜陽

次韻贈鄔竹坡

識面金臺客相拋十載中忽來收伏暑滿座生清風  
囊有陳琳檄庭無魏絳鐘丈夫韜略盡白首夢軍容



元旦和周蓮渠大尹

宓琴誰嗣響縣古長官新望祝三朝備歡歌百姓親  
風光連紫極烏鵲靜青春陽德方升進如公帶綰銀  
疊前韻并謝蓮渠牛乳之惠

歲事栢尊綠傾杯話舊新天王新日月江海舊情親  
擁矢看人發彈琴與物春詩來譏齒豁隨到雪山銀  
除夕用蓮渠韻自述

堂背椒花有門前桃木新兒童紛不靜燈火自相親  
冰雪散窮臘衣冠近始春間中殘歲月羞重鬢邊銀

梅壑潘子良別號

梅壑本清絕言詩愧此章雲沙憎翰古水石借花香  
月朗瘦蛟立風清小鳳翔林家疏影句今日讓潘郎  
元夕感事

上界烟花夢祥風十二樓天回如有喜人老不無憂  
杞國心猶在漢家恩未流請看燈火夕春重紫鸚裘

東關歸路

七舍東關路還家卽勝遊水清如擁鏡山好只移舟  
江唱曹娥晚嶺謠天姥秋途窮鄉語入台越此分州

瑞石山房二首

爲顧文儀

漫瀾湖山興分畱向市闔孤烟細水有衆木層崖間



鶯葉深宜聽  
黼枝近可攀  
何如山谷老  
只愛呂家園  
爾處山堂好  
吾方十日看  
竹煙縈翠幙  
花霧濕朱闌  
晝永琴書靜  
春深竹石寒  
誰如顧文學  
擺脫向閒官  
送鮑博之領教黟縣

天涯復送行  
更復動春情  
草色傷離子  
花枝寵去程  
新安江水淥  
黟縣長官清  
橫教其來久  
湖州獨擅聲

送董遵道領訓南昌

披倒平生有分攜  
此意同眼看春日  
暮心折午門東  
去鳥楚天闊  
飛花婺嶺通  
知君有老母  
飲水得芹宮

陪祀

諸陵曉發昌平二首

倦馬方辭櫪  
鳴雞已在田  
松風藏五寢  
雲日露全燕  
赤羽猶乘障  
黃茅未歛邊  
瑤壇將事日  
元朔亦祥烟  
蟠龍流水地  
臣僕喜追奔  
神嶺近如畫  
齋房遠似村  
輿圖撫幽朔  
弓劍憶軒轅  
誰識茂陵樹  
猶存未報恩  
祭畢還宿昌平

燭影瑤齋寂  
人聲出翠微  
風吹陵栢轉  
月照祀臣歸  
山海從龍蟄  
雲沙信馬飛  
雞鳴尋舊館  
假寐待朝暉  
早春鄰園主人出大杯飲我因以遺

舉足消憂地  
柴門上綠苔  
雨聲迎客歇  
蝶影過池來  
少女行花事  
幽人贈酒魁  
卽看三八後  
園錦蚤鶯回



晴湖妓席

好日長隨酒晴湖本泥人耦船回舞袖停管送歌唇  
好雨爲誰濕行雲過我頻貪留波上久歸路漸紛塵  
連飲湖上并湖上諸山

多病身將老貪遊興未慳藥杆新泛汊詩版舊看山  
風雨荷錢小煙蘿石扇閒仗誰消歲月魚鳥識衰顏  
單帳成遣熱

桎梏去裳衣猖狂炎暑時禪心分古井詩興在新幃  
睡起披青霧移安近綠枝快風時引動幽夢不教知

送約齋周大叅還鄉

爲客憐渠久商量獨此翁分詩勝果寺對酒上清宮  
道恥狗時合文能背俗工聚離朝暮事江海此心同  
湖上次張東溪韻

將軍無事日牙帳下湖來竝柳鶯停管綠荷露瀉杯  
短歌驚水怪長去得人猜并與魚龍喜楊公爲剗鬼  
西爽進艇秀莊行田慨往作

今日好風日晴蓑去不難灌蘿過艇暗連竹到門寒  
花明錢部曲草綠宋衣冠慨往仍驅酒河山北望寬  
中秋對月 四首

難得今宵月完完已在東氣高行物表規小著天中



不說秋毫未能令夜色空。願留徹曉照點翳付長風。  
今夕此何夕。朋來共賞尋張。停指閒館步徒愛疎林。  
久欲熒珠露高宜映玉琴。一年止一夕。須放酒杯深。  
穆穆瞻穹宇。疎匕覓小星。予心委秋月。入夜不遑甯。  
半饜臨丹嶠。全光乞草亭。琴書總蕭灑。蟾思妬疏櫺。  
坐久牀陰轉。看多顧兔愁。清函九地影。潤接一河流。  
玉漱平堪掬。金光迥不收。誰言人間世。不是廣寒遊。  
八月十三日小賞

漸滿庭前月。何如少女看。鉛華翳掃盡。玉色鑑空寒。  
小賞原無禁。高歌亦不難。祇愁人河沒。知有上樓歡。

月二首燕京作

五載重來客。長安看月圓。秋光近北闕。流彩過中天。  
八表同時見。一輪何處懸。丹心空自許。慘淡曉雲邊。  
西月看不見。北風吹又圓。羈人起半夜。寒影入中天。  
遠掛三江水。輕籠九市烟。雁來元塞近。聲落鳳樓前。

竹梧軒

周子隱城郭。塵埃慣討尋。竹梧藏院小。星月坐階深。  
鶴警知分夜。鴉啼許隔林。相看一杯冷。露點在蘭襟。

復職謝恩

抱笏覲龍墀。陽生夜色微。看隨南象入。行導早鴉飛。



洞戶風塵細天門星宿稀小臣報恩日猶似未忘歸

渡淮

逢時每自棄吾亦笑吾儕未病先思越方春再渡淮  
烟花饒北里水月盡東涯用舍他人事無勞掛爾懷

感春

五首

年華方荏苒世事近如何西北風塵有東南涕淚多  
紫廬調玉燭青海送金鵝尚想先皇日令人意不  
磨

五夜畫輪集千門火樹春聽兒歌麗曲不是蹋香塵  
月傍青樓久花開紫陌新羽書聞未戢羞作太平人  
止酒憐徂歲耽詩怕發春清漳猶在眼碧海未藏身  
老母只思健微官豈論貧起看花月色試問六朝人  
棲屑無一事潛藏動幾旬把書時得意拂枕忽生春  
地濕金陵脉天青玉壘塵揮戈兼草檄回首愧何人  
昨日南郊罷恩流滿鳳城將軍方治第回紇尚連營  
小子空憂國春風欲洗兵便沽一斗酒拭目看花平

登鳳凰臺

一首

未能逐鷗鳥且上鳳凰臺江帶天聲落山將海色來  
登高無好句爲客只深杯望極燕關北歸懷幸少開  
病眼看今日嘉名舊此臺鳥避何人去山迎逐客來



本非明主意方愧謫仙才一唱三山句令人憶幾回  
拜卞忠貞父子墓

六代興亡地青山但有墳墳多何所敬再拜卞將軍  
清虛甯救國忠孝自成文酌罷城烟起烈風吹暮雲  
龍江惜別送王天德寅長

白錦裝詩軸黃金折柳芽魂消留客館淚滴傍船沙  
雲動開江色天晴見物華君行應未返除墨及春花  
次劉仲賢乃尊韻

對句本非分江湖日易斜曹騰新市酒搖落故籬花  
親看兒反平獄無勞吏餉家我來屬君去愧莫折瓊  
麻

赭潭

不着一浮萍清將活水局竹涯添淺綠苔壁亂衣青  
擁霧函明鏡規沙閣小亭更兼湍激下絃管日來聽  
行田因取水路飲喜作

飲水田家好種榆溪路涼奔馳果何意耕鑿自難忘  
靈根托于越聖代比陶唐無才起佐世聊共守東岡  
佛國寺看竹

元棘白蓮西公餘獨杖藜此君吾雅舊一見許相攜  
徑靄高低合窻禽來去啼虛心原不染淨理與蓮齊



初到南棘與客散步原上望雞鳴寺作

一山都入郭萬樹半圍城浩渺流輕靄玲瓏下晚晴  
未能投劾去且得抱官行望裏雙林近花宮想極清

憑虛閣懷國清寺榮公

高閣本憑虛傾壺看日低既來還自去未暇與雲棲  
何物爲軒笏吾心在屐藜謝公懷舊侶支遁肯相攜  
清涼寺寺有僧清公頗可談

簪組本何物不損看禪心造逐未能去來依靜者尋  
泉聲池自滿竹色洞俱深久語因忘事昏烟半座林

客夜

客窗雨初歇卽事強須吟傍舍兒啼夜空齋鼠嘯陰  
花寒開細碎苔潤上侵尋廣衢流水去燈下起鄉心  
百步路春行感事

十里緣江路行蹤此箇頻星霜人自老山水意常新  
雪磴松蘿匝烟巖桃李春途傍有好語一氣轉皇仁

仙居路感古靈事先贈彭一山醫

路入顏家泚午炊行憊亭病添雲子白貧訴麥苗青  
縣復陳君政家傳岐伯經杏林千樹老乞我藥通靈

陪張南川遊國清分韻

官事有餘力招要物外行壺觴追地勝笳鼓入林鳴



山向來遊好水分詩話清亦知公樂處田父候陰晴  
南山暮歸小立待渡

出山如解繞辭嶺去重遮風竹何勞偃巖松本自斜  
川原催落日人馬駐寒沙隔水聞雞犬艱難尚有家  
赭溪行遇小僕取野菜歸

赭溪一步地不要紫藤扶細水霞初映荒亭日已晡  
艱難聞遠哭辛苦見長鬚偃僂行供膳傾筐綠滿廚  
聽人說掬蕨其

耳聽鋤蕨者不必到山頭採蕨已抵手分羹還蜚喉  
艱難宜短晝漂泊怯深秋更恐山風急憑誰製大裘  
與客同遊至一處莊家止飯

風清穿麥隴日出欵林扉地僻官人到窻低乳燕歸  
老翁芸圃歇稚子過庭稀飯麥烹朱萑無人更說饑

蹉跎

澤物已如此安身近若何經營亭下稍眠臥雨中多  
涼簟輕匕膩方池小小波酒杯存燮理吾道未蹉跎  
再晤贈野航又用爲別

肩輿抗塵土日月坐侵尋六里頻過地十年長別心  
故人江山老春水夢中深暫醉黃花埒無言摘滿襟  
送試推王公考績



張別春江浦提攜上曉暎短觴連海色壘鼓破城昏  
薪米行千里肝腸見至尊聖朝重簪笏留取待爐燠

黃浦阻風先寄鏘鈍二弟

夜發華亭月晨炊黃浦烟魚龍吟白晝雲水漾空天  
平日不到地北風來住船遙知兩阿惠迎望眼俱穿

冬日酌酒溪上

尋流見雲碓略約橫波輕天寒水風急日斷山烟平  
流浪待高月依微聽遠更爭春愧鄰女飽食作閑行

郭外

水清沙上下路遶水西東短髮來鏡裏長橋見柳中  
漁歌春渚靜鴉散晚牆空野老無人識四簷鷗鷺通

曉發靈溪趙栗夫郝性之雁山之約

曉濟靈溪石灘烟散日遲天寒仍着屐清興逐寒帷  
山到攢圭處水看明鏡時予心已隨雁先賦出台詩

臨海路時有傅郝公二詩者

鳥道曾來處魚榔欲暮時江寒落日蚤山遠歸鴻遲  
路遶新羅嶼人傳北雁詩肩輿指黃越雲裏大夫期

靈巖

趙公後至  
二首

僧迂緇頻見峽開青不關奇峯立五六遠客笑中間  
朗月待今夜美人期此山短歌招玉女雙跨紫鸞還



特達見雲端諸峯立不干烟巾收却好月斧斲來寒  
杖履遊三日乾坤借一看香階遷次坐落翠着衣乾

遊金山寺還舟中流作

縱是裴公寺能忘魏子心帆開吳日落鐘度楚雲深  
半餉分南北中流弔古今江山雖好在無待二毛侵  
清涼寺和秦從簡韻寺舊多竹

山門下白日石磴上青苔近市疑無勝入雲更有限  
水流龍洞過竹引鳳輿來往事登臨罷憑君一筆裁  
何孝子廬墓卷白沙有封卷詩

千秋嶺海外好事說夫夫黃紙明君詔青山孝子廬  
一邱雷不振幾樹柏猶枯開卷青泥在江門不可呼

代汪老先生壽劉司空

松岳生申舊龍津毓秀同五朝歸白傅四海問朱公  
西母金桃下南星紫霧中百年渾未足二十四薰風  
和同寅雞鳴寺韻

二里城西路雙林擁貝宮鳥啼禪榻靜花散佛衣紅  
山墮明湖裏人遊碧落中五雲飛極北江盡望無窮  
次趙克用繡衣煎茶韻

松風午枕虛夢入醉鄉初乞我鄰磨鏡從君作蠹魚  
香來竹几好塵與草亭疎寫送分江句南臺興有餘



臨海道中

片雲明石磴一雨濕烟蘿山道初逢霽岡巒幽事多  
沙邊見鹿飲樹裏聽樵歌輕靄隨看盡風波可奈何  
與王伯安夜登塔山

秉燭暮何之聞山不敢遲白雲封欲遍清露濕相宜  
僧定自禪榻鶴驚空樹枝有懷支許輩塔盡草離離  
疊韻柬龐士龍

龐子亦高興攀蘿與客躋尋山何草屺結伴偶栖屺  
燭影雙林靜人聲一逕迷漸窺花界小鶴露滴淒屺

小園

小圃今朝得柴門上綠苔雨聲迎客散蝶影過池來  
山水春俱遠鶯花雪未回老吟心不賞且盡手中杯

出郭酌澣姪舍

披寫出東郭無春可奈何野容輸眼寂花事上心多  
小姪能供酒無人不放歌醉鄉吾請老歌酒卽相過

酌方菊隱所

鄰家軒砌好巾烏過來頻玉串繁星點丁香簇錦輪  
花前偏得醉雨裏不妨春發我三年甕能無愧主人  
出郭呈白齋野泉

午影過橋去春風攪袂涼路隨花氣轉林續鳥聲長



物化添新目人情戀故鄉  
傍誰開盞酒詩句借飛揚  
和陳慨清方崖草堂韻

方方崖石角鬱匕種芝田  
草屋宜長嘯梅花又一年  
閒消詩卷日興落墨池天  
白石如堪煮來分鐵井泉

秋旱

枕上雷聲起蒼黃覓杖藜  
只看流電滅空遣亂雲低  
旱數從人問憂心付鳥啼  
山中消息惡又送日輪西

熱

靜勝徒爲爾流漿可奈何  
意涼風動樹氣沴腹生戈  
有酒我自酌遠童誰遣歌  
不眠過夜半露體共星河

次周約齋見貺韻

繾綣輪吾輩相逢只共來  
晴階鶴影好風竹鳳聲回  
才望連城玉詩家一逕苔  
眼中詞翰絕時向酒邊開  
留別余得齋

僮僕羈棲久江湖蹤跡疎  
春花纔靚郭冰蘂忽香除  
對酒寬清話還家重素書  
故人臨老日惜別意何如

巾中十詠

絕頂平如掌塵埃一笑空  
三江輪月色雙塔管松風  
綠酒心無礙青山道不窮  
幾年饒足跡留醉與人同  
其二



久雨妨遊走長風送曉晴日光初射地山翠欲吞城  
皂蓋能攜酒丹鑪細煮羹藥苗還共掇助爾一身輕

其三

雲石旌旗在將軍作伴行得餐朱櫻潔隨步白鞵輕  
掃石留猿影歸雲帶鶴聲病來閒處逐酒盞見人情

其四

睡起雙峯濕驚回片雨收野鼠行詩卷山禽掠酒籌  
海天先得暮江月只宜秋一筵誰家發隨風到上頭

其五

路影相將去囊絲紫錦垂江山俱在此人物近看誰  
磴草隨朝步城烟上午炊老夫空意緒高趙有新詩

其六

興盡塵埃裏來時及暮鴉松風入我意蘿月照誰家  
山色春城酒江聲夜燭花一杯初破寂市近更能賒

其七

江流僧榻底山色郡城中引坐添樽綠貪遊到燭紅  
錯莫林烟暝提攜磴薛窮人聲逐歸路贏得市塵空

其八

十年雙蠟展百里一青巾石磴提攜舊詩聯警策新  
神仙遺底物天地老何人頗愛任公子吟邊足雅馴



其九

市邸饒塵俗尋僧與道俱未須辨真妄已恐墮清虛  
白日寒江駛青天落木疎石壇秋雨後香檻曉晴初

其十

移松分嶺色墜石抵街塵未覺良遊暮轉看幽事新  
學飛鶯浣客調舞鶴嗔人記得西來語回身倚北辰

登西爽樓

作賦非吾事平生慣上樓塵埃半點外水木兩重幽  
冰簟從虛設蓬壺免更求主人知客意百遍許相投

次太白山人孫一元韻贈少谷

子去意未已子來眼不孤相思憑歲月獨臥夢江湖  
語次頻燒燭文昌共剖符丈夫志遠業開口與人殊

空明小隱

小隱隱何處北山非避秦地古白鴉老日長朱草春  
蘿關元却俗石扇不生塵把卷從深入仙光自照人  
壽太守許公母

繹幌逢初度斑衣早放衙佳兒分虎瑞壽母駐龍華  
海熟千年實池開十丈花天王敦孝理行制穎川麻  
石瀾

雲根誰削出天一自生成道體流不盡詩腸洗得清



壯看穿漚疾恬愛織紋平元度今誰是支郎蚤有名  
半壑爲表弟徐世美

愛水不滿意少取自前聞波光憑我減月色與誰分  
行身能損過揭扁忘全文寄謝爭隈子烟花亦分君  
友溪爲表弟許大本

眼中三益少相求每出郊順流真莫逆味淡只難拋  
霞渚充蘭薄雲灣是石交百年文會處風水自相撩  
五言排律

蔣氏井

我愛藍泉井邀朋走馬來百年舒病眼兩日望蒼苔  
潛竇求無得微瀾動幾回沙寒清自見雲遠澹相陪  
行滿牽朝鏡依空弄午杯松分半影入草藉一痕開  
興盡先歸去慚非作賦才

和同年李時升詠雪三十韻

忽然地生白久矣天甚巧入春亦何多應瑞祇宜稍  
屑雲月匠勞剪水江妃姣非氈乃類毛似玉而可爪  
飄颻圓蓋濡填滿方輿飽戰空疑敗龍摧聳訝驚鴉  
膚迷姑射仙髮映商山老兔傳梁苑詞馬歎方竹皂  
羔酒有歌歡桂株方立槁飛高羨爾徐舞亂嗟誰擾  
卑憐墜井幽高愛瀉枝好小姬笑糝梅老婢咽炊栲



夏先生集卷之七  
杜竹聞折朝張黎讓開早肅肅患陰愆熙熙佇陽卯  
循行煩令丞調攝在師保午影誇池平晨光助寰皓  
麻衣詠曹風篔戶堆魯縞滕六太矜誇元伍儘傾倒  
鶴立羽留田兒啼指墮祿卽此是蛟宮無勞覓仙鳥  
公子襲貂裘故人贈綈襖三花幾時開六出何人造  
白因記軻談巧欲懲倖齧貧臥困人龍狂飛濕詩草  
庭有披警行門無擁篲埽富娼斂生機窮猿鄰死狡  
投水恨難尋鋪碁驚可擣何不問沈靈因之憶乘堡  
殺氣逼殘年賞心恣幽討一洗兵甲清豐年何用禱

送范甯國之任

弱冠論心事生牙識姓名黃金爲世首白璧照人清  
經術夏侯勝交情范巨卿大談開竹坐翬飲對花傾  
吐志欺三子雕章讓六經深微探理窟長老避文旌  
共抱青雲器孤縈白石情行藏方黯黜心意自晶熒  
我且隨龍臥君先起鳳鳴薦收三榜重謫出一身輕  
執法排中佞監城戴遠氓西人稱范老北寺忌張衡  
草播行行聖詩鐫字字城檢書塵篋滿念別淚珠橫  
豈獨忘年友真應異姓兄奸臣無地老公道有時明  
汲賈憐通名龔黃許繼聲越歸懷北砌速去賦東征  
地接疑鄉郡星分隸舊京板輿行李從皂蓋野人迎







相尋出郭消憂地不近山樵近澤漁細水隨行人個  
個晴沙擁坐柳疎乚林鶯起徙雙歌罷市酒提攜一  
笑初燕徹杏園仍浪跡不才多病欲何如

笑逐鄰翁乞午觴酒闌隨意散林塘雙禽自睡青苔  
巷一杖驚飛翠竹牆雨過乍如潘岳圃花開亦似杜  
陵莊春風旁舍不行樂何用天涯憶故鄉

和留鶴先生雪後過淮南諸湖畱鶴詩若有不  
得其平者

只憶崎嶇潘大理淮南雪後亦撐船漁人遠害來窮  
浦雀子告寒哀遠天夢入炎邱依日月吟成水國任

風烟請看東楚連牽漫篷雪橈零莫問年水國畱鶴詩中事

春日飲故內翰杜老先生少子宏文新居

青春入戶明卮酒桃李門庭錦席香誰能遷居去市  
隘一笑留客回年芳井通幽坐新新柳園放清遊短  
短桑更倚鳳毛開手澤每來相對檢文章

清明祭掃溪外諸隴歸呈叔父勸飲

杖頭尋原穿竹去家人僮僕提筥觴何如留侯祠濟  
北已報龐公渡沔陽野籬疎映小桃晚沙路晴翻宿  
麥長歷歷眼前今不在祇應黃土是文章

將至富室鮑氏節婦老妻姑先過平窰人家畱



具薄餐  
盤馬山椒紆石磴解鞍樹杪見橫茅黃雞出戶鳴將  
入紫蝶穿籬舞欲交野老百年惟短褐春風一笑亦  
空庖懷清臺在雲烟裏想見青幰映碧寥

寄姜仁夫

榮名貴仕兩因循花過千家已暮春今日朝廷真  
聖主平生肝膽是何人垂衣玉陛朝常見解褐金門  
晚更親遣意題詩時序換愁添歲月病中身

寄李天瑞

舫中琴詠起相求往往神交水上投冰雪樓遲雙旅  
雁江湖憔悴一眠鷗皂囊何日上封事白髮新年憶  
遠遊聞說賈生宣室名欲乘病舸離鄉州

寄鄒汝愚蜀人

翰墨林中畏子多鳳麟榜上奈君何草元投閣非三  
蜀作賦升堂又一科今日扣環誰不見他時傾蓋是  
相過薊門執手傷離別更謫南溟看逝波

相如八室  
借用升堂

新年溪迴

日脚穿雲焰晚暉晴沙又送馬蹄來水清白鳥一行  
下山好青烟四面開叢竹連門春客散遠氓入市暮  
鐘催寂寥短句逢人述袍帶行歌世所猜



臨海道中

山雨霏霏濕馬鞭，解鞍拾爨飯荒田。  
半饒行雲漏西日，一聲鳴雞接暝烟。  
曉發惡溪看白浪，暮歸蕭寺宿青蓮。  
十載傍家遊走地，竹輿石磴飽風泉。

野望二首

玉筍峯前沙苑外，杖藜隨步散冬初。  
高天落日江波遠，平野清霜木氣疎。  
禹穴斷碑山北盡，神橋遺事海東虛。  
孤城歲晚寒煙裏，悵望空歸誰與居。

玉霄小閣青烟在，桐栢空宮紫氣收。  
南畔諸峯長落日，西來一水已浮舟。  
饑鷹曳地扶寒色，病客登臺倚暮愁。  
還望前山騎馬去，野人趨席笑淹留。

前川二首

風輕日白午天幽，郭外溪邊卽勝遊。  
花萼乍明來小院，柳條初散近高樓。  
老翁穉子逢春語，冶客羈人到晚留。  
共說年年行樂地，朝廷有道自消憂。

花小東亭春事微，渚清南館照遊衣。  
棲遲暗與十年約，魚鳥羞將一饒違。  
歌近行舟江日靜，望迷去騎野人稀。  
誰家有酒頻須過，錯引山公笑已非。

舟中呈同年文宗嚴仍邀少酒

短歌問訊頻南望，長路逢人共北行。  
天涯舟楫暮常



合船裏琴書秋又生柳邊疎雨帆檣亂沙上長風笳  
鼓清已臥空樽要我醉敢論涓滴盡吾情

留別戴師文龐原化諸人兼寄王存敬王崇重  
拙者爲官自不同不干野性一生慵出遲似與謝安  
石去速何如邴曼容千里趨來看佩劍半年睡起聽  
朝鐘樓船兩岸江湖在行李蹉跎春興濃

舟住張家灣一首

秋盡不騎燕市馬病來獨上灤陰船桅檣水落猶高  
岸旌旆風生亦近川鄰女悲啼空遣問故人談笑不  
忘眠淹留未覺歸心切黃柳白鷗春可憐

雙闕來駐灤縣旁百年登覽此風光東臨碣石三山  
遠西望河源一水長去國逡巡宮樹綠還家迢遞海  
雲黃未言行止饒文字且盡春前病後觴

直沽路晚登望海樓

春波送客行李好春日照人忘却愁桃花曠明野岸  
促柳色欲暗官道修已憑兩槳向海口新掛孤帆衝  
衛流天地高深士慷慨百年雲水一登樓

修又作幽

滄洲路

望京七百三十里漸遠紅塵野樹連桃花錦岸自迴  
轉柳絮金堤乍縈牽交河驛吏不見面渤海故人還



上船 聖主寬容臣在告亦無一字弔湘淵

立春日得仁夫希哲書

城外泥牛小子傳病夫不問但高眠花枝天上能相  
念酒錢人前敢自憐片雪經寒還灑灑封書到晚亦  
拳匕交情不獨堪腸斷回首 君恩空歲年

新夏

新夏涼生枕簟單人間不記與秋看南方朱客何相  
讓東道青君已卽安竹色低迷雲日薄榴花微細天  
風寬篋中紈扇封蛛網請看炎炎海嶽乾

除夕

門前桃板動春暉牆上金鴉暮色微明日在人真自  
別短年舍我暫相依謝公偃蹇時將晚亭伯淹留跡  
漸稀耳畔今宵鳴玉近朝來疑有五雲飛

黃巖路

兩舍雞聲篁竹地數椽林影白雲村千山北望連華  
頂萬壑東行到海門渡口烟曛留短燭道旁冰雪霽  
微痕謝家酒賦經年斷去坐方巖仔細論

初過賈一之新居

緩步春風二里餘柴門只合旁林鴉山中曳履推雲  
榭牆下褰裳蹋雪沙鱸煖杯香畱半日竹寒梅白過



誰家聞君徙宅通潛壑興入新年覺未涯

立春日白齋新居作

故園春風又一吹脉脉還來動酒卮豈少梅花笑幽  
處更饒江色弄晴漪衰遲正苦鄰人遠懶情偏宜俗  
子嗤接笑斲同三徑裏柴門竹影共移時

三徑正與  
鄰人相應

再訪白齋新居移宿周家

頻來客子歛柴扉野老堂前與世違疎壑浮烟添夕  
翠高林落日送斜暉未嗔市酒兒曹嬾已見庭花蝶  
翅稀還過東鄰周處士十年歌舞月中歸

贈陳紱文治

袖裏靈光推獨步城南高興合同行一年結束臨春  
水六日相將聽早鶯爾今幾何卽有作我且老矣只  
虛名濤毫未覺憐才盡猶自低回畏後生

客有避地種桃者偶往過之二鼓而入一笑而  
出

夫君築室旁煙霞十載烏巾映白沙遠客入門疑鬢  
髮吹燈相對問桃花滄波絳藥應千樹病脚青藜又  
一家歸去仙源重有約祇愁無路傍雲槎

閒居

歲云暮矣風煙滋枕几羸軀乍可支詩卷漸開梅放



日酒杯爭過雪飛時祇應世事終饒我試問溪山更  
與誰留取一竿隨野鳥白雲行跡恐人知

待梅

沈雲不動雪斜乚清興連朝到晚霞不寫烏絲排柳  
絮且酤元酒待梅花疎枝自覺春風近薄暮相期野  
水涯病脚青藜還幾日已要涼月臥晴沙

春日自到鄰家求酌

興來欲就鄰翁飲笑指梅花背短牆便有春風隨蠟  
展却穿西舍到茅堂青衣自去沽何處白髮先來舞  
我旁細路幽香仍碧棧爲公沾醉臥斜陽

王公草堂

凍雪依人祇閉門春風提杖踏沙村草堂自對梅花  
發山鳥爭棲野水昏竹裏刪詩驚杖履雲中沽酒走  
兒孫白扉今夜留明月喜及衰翁共一樽

卽事

侵晨童子開門去野老書來在我旁憑報花時理烟  
權擬從樹底到茅堂波翻日脚清江曉人隔雲涯白  
髮長已見山杯桃李夜紅醪沾濕紫荷裳

九日與白齋野泉飲國清寺倫上人方丈

鞠盜禪房添色相一年節物又茲辰已扳病眼看僧



舊羞對寒花勸酒新白帽長吹六七里紫蕤只映兩  
三人山靈應笑歸來久十載松風灑醉身

羣飲畢復攜酒江干訪菊

蒼茫徑路遶蕪葭清影相將度軟沙江漲不漫紅樹  
裏月殘還照白雲涯東流一杖風吹鬢北斗三更水  
浸花醉臥小舟調牛女便當銀漢弄星槎

鞠節連飲晚飲徐對鞠

昨夜舞衣昨夜垂秋風今夜與公吹人歌永漏酬佳  
節雨過疎籬放好枝短袖叨隨白髮醉清杯恥向黃  
花辭誰云徐孺亭中見不似陶家園裏時

月夜白齋要共江畔尋梅

釣石還齋席未溫梅疎月朗正消魂江籬段段堪扶  
杖野老時時愛出門亂點鷗沙閒急管細斟雲水臥  
空樽誰家牒子歌回去繫纜前灘倒柳根

尋梅

悵望哀吟可自由天寒歲晚梅花稠不妨白雪親人  
面須著青藜到水頭淡淡欲斜江路滑蒼蒼又暮市  
烟浮折枝歸去寬相對愛爾無言坐散愁

飲寶所寺酬趙栗夫郝性之

草花爭近遊人笑白恰青鞋又上來石磴乍飛三竺



雨香廚先下二公杯波搖樽俎悠悠逝雲傍衣裳細  
細開文酒淹留還盡夜睡鳧驚起節旄回  
西子湖平曉鏡開美人湖山照衣來春風攜酒遊何  
處寶所聯詩怯此杯珠玉有輝雙璀璨錯燕鴻無路一  
追陪坐臨竹閣時蕭瑟人面湖光定幾回

將至靈巖呈趙栗夫同遊則范以貞潘堯卿

直跨雙鸞來海上笑攜玉女住雲中十年此意常對  
客今日肩輿始共公飛蓋兩山隨白鹿濯纓一壑歌  
元風未言靈石前頭好已覺三神有路通

遊雁宕呈趙半江

十年去雁山中睡今日來消海上憂天開繡壁參差  
入地擁香雲次第收前頭恐有扶桑樹過眼不數蓬  
萊邱未扣元關訪金液且將海水問陽侯

退朝還入左順門候御批俗云接本

朝罷千官丹地空日高仙掌影重重五橋流水迴春  
仗雙闕浮雲散曉鐘還趁鑪烟碧落去慣聞天語  
皂囊封十年浪跡山泉底午枕漁歌夢國容

太平岡新霽卽事

城門草長映櫓青雙飛白鳥報新晴正憐樹色將波  
遠豈有雲光帶雨明十里經營湖上署百年歌笑路



旁行謝安自得東山便更憶乘舟損宦情

京城積陰始開病間書事

正月下旬冬涸在五更鳴雨曉雲開牆頭日出翻林  
鳥階面泉流漱石苔雪色九門猶黯黹花枝三苑尚  
低回官曹曠跡淹多病歸思春生不易裁

和韻贈林居魯

金華書來委篋塵白頭相見問何人越山偃臥居閒  
好燕市過從酒債新多病百年須我輩晚來一笑更  
情真南行不道能相逐同看江流憶 紫宸

涯菊見賞

笑傍雲涯蝶未知偶因臨憩識幽姿看移白日烟生  
渚想到深更霜滿枝飲水吾聞留百歲揚芳爾自立  
多時誰家咫尺華軒地朝暮吹香入酒卮

酌菊鄰家

半雨半晴扶細路一觴一味向疎籬山中白日看成  
劇盤裏青鹽坐不辭傍舍花枝開處好老夫詩卷報  
來遲已拚霜性隨冰雪采采從教入酒卮

雨後白齋霞城草堂同野泉看梅作

草堂苦憶梅沾雨藜杖新扶我映溪擬借一枝回病  
目不辭兩脚踏深泥風烟已傍霞邊霽花藥還如雨



裏低野老竹林相近著吹香遞響滿幽蹊

岳武穆二首

肩輿逐暑湖邊去樹裏丹楹再拜看四壁風塵迷甲  
仗千年雲水識衣冠至今有廟祠諸葛他日空碑墓  
謝安報國赤誠誰獨苦商量一字寫心肝

岳家祠墓金湯重留與乾坤壓大奸終古函冤湖上  
土幾人回首望中還天王自足三分國大將空爲九  
仞山却笑欬獻中夜起至今一語在人間

金牌十二映斜暉唾手燕雲事已非天意似催神鼎  
覆人間斷送此軍歸空教督府推神算終遣書生識  
禍機他日誰將百口保忠肝義膽路人欬

劉布衣

鄂王祠畔遺巾烏戶祝還同劉布衣繡箔回廊山雨  
過香鑪小院水雲飛一章激烈空肝膽萬古流傳有  
是非朱墨牽連傷蠹簡晚來泣對更依依

病歎書感

兩月稀遊病上氣經旬節飲思良醫低回酒琖有何  
樂狼藉梅花空自知不將食指憂門戶祇恐戎馬生  
郊圻百年未了安居願吟對春風數鬢絲

宿江心曉步雙峯同遊則高南郭



夏赤城先生文集 卷之八  
蒼崖過雨苔收滑赤日上天雲亂開三山只在遠色  
裏一鳥不度晴空來焉知疊浪非鮫室欲借雙洲作  
釣臺踏徧長廊連石磴杖頭今日洗塵埃

將發中川酒榼臨歧勸酬移晷興作取紙筆而  
主僧適歸筆氣益展

草次傾壺留客住長廊點筆報僧回已分潮汐洗研  
匣始信魚龍近酒杯雲日中流雙屐在風濤半饒一  
帆來尋常翰墨空隨手灑向滄波亦壯哉

廉山樓爲潘城子良賦

薨棟參差擁畫欄縣樓南望共雲端慣來几杖三辰  
近豈少琴書六月寒笑語因循饒主客文章磊落只  
心肝知君已立塵埃表不遣青山滿意看

歸途依韻和周時可先生下車登浙江譙樓

看飛紅白青春闌猶有黃鸝碧樹間行省相公初委  
遽曉星高閣獨乘閒湖山歷歷提攜可冠履飄匕接  
近難日色纔臨城錦散滿街歌舞騎塵還

與趙半江夜堂聯句仍次前韻 一首

白雪梅花又共君一冬閒却草堂雲江湖歲晚孤舟  
在蘭桂詞多滿卷薰燈前短髮年將老天上明河夜  
已分離別不堪他日意傾杯捉筆謾云云



赤水丹山荷聖君暫遊城郭看江雲星濤歲晚孤舟  
在梅雪晴消一座薰獨有文章終不賤也知膠漆固  
難分乘軒坐馬過逢好傾蓋畱衣只浪云

星濤灣梅雪  
堂皆杭之故

雪後餘寒獨步尋梅

紫霞面面映青藜獨步風泉傍石溪雪意尚畱山日  
薄烟痕欲盡野牆低未曾攀折香隨手準備吟看酒  
滿棹欵坐晴沙驚落片還尋荒蕪問幽蹊

問病石溪生看梅作

矮牆不護老梅肩斜放一枝當面前客子到門先索  
笑奚兒掃地當陳筵恨無巨石添蒼蘚喜有疎篁共  
晚烟可奈主人方臥病花開不管擁衾眠

錢清路

沈緜亭前催蚤發東方豈少一星明傍船禾黍歸秋  
晚隔幔烟霄送曉晴地擁蓬萊藏五泄天開越絕散  
千城短書不盡姚虞故山鳥江花帝子靈

聽過客談近地未到山水因自失責

眼前勝事違心賞馳傳先來寺裏行春殿猿聲青嶂  
合曉堂龍氣紺雲生老夫久欲添詩話遠客何勞損  
宦情半饜煙霞藏不得山杯野次總分明

次韻答趙次山



夏赤城先生文集卷之八終  
明夏赤城先生文集卷之九  
眼中孰與意中真客至從容散素襟白璧誤人甯有  
此青山疑我到於今甲杯呼酒狂流墨午夜燒燈細  
賞音謾說青牛關路在便須披寫爲公吟

夏赤城先生文集卷之八終

明夏赤城先生文集卷之九

詩七言律

和同寅雞鳴寺韻

假日飛身上紫霄雲房面面隔塵囂青山有味心先  
醉黃鶴無情手懶招篆貝空文千葉在幘花香霧半  
闌消憑虛莫訝南風急試看旃檀逆處飄

太平岡新霽卽事

溟波日出山烟開雨濕城頭霽曉回綠樹影中騎馬  
去碧湖光裏放舟來搖鞭每指屏風嶺解帶還尋望  
月臺一曲菱歌聽入郭始知門外少塵埃



和自齋新正漫興二首時方讀楞嚴經因憶去  
歲之夏與清上人會談於清涼寺倏忽又復春  
也

階前白雪尚嶙峋冷手繙經究客塵支遁談鋒方作  
夏沈郎腰帶又傷春黃精爛煮堪遺世青鳥高飛似  
畏人何處瓦甌新酒熱自齋風味句中神  
縞素堆窻映獨眠九門往遣問炊烟梅邊絕倡逢人  
日董首餘糧憶禹年身世隙光畱不住文章瑜潤要  
須傳自齋道有山陰興看取他年剡曲船

白齋同在杜宅看梅得酒歸戲簡野泉期共再  
賞

杜老梅花數日開主人相引竹邊來風清乍接幽香  
坐雲破徐看霽色回日出門闌明几杖雪殘井落濕  
莓苔烟花早付潘公子更起從君問酒杯

次伯安韻

前身我是許元度脚底青山忽漫躋乍識林容隨燭  
影漸聞人語近禪棲偶來問井雙泉在更欲尋山一  
徑迷喚醒王郎同勃窣梵天雲冷市風淒

遊崇法寺和韻

半年城郭一閒中寺裏行歌又落紅梵室人聲蘿戶



黑香臺鳥跡石闌空  
龍歸優鉢半山雨  
虎過旃林滿寺風  
擬就闍黎三日醉  
山杯不似野情濃

和郁令君遊赤城

駐馬空山何所問  
雙林瀟灑野情賒  
斜飛皂蓋衝巢鶴  
直上丹梯弄綵霞  
嶺竹如雲連樹羽  
巖花和露落鳴笳  
山泉好處經行始  
暖日香風屬歲華

和前人赤城道中

推琴露冕首遨遊  
麥隴春深語笑幽  
三月風花還洛汭  
一時人物本瀛洲  
城頭日氣如烘綺  
洞裏仙光不熱篝  
福地壽天今有主  
麟窩巖穴總消憂

思養堂

淚盡孤臣瘴海深  
壯懷無恙柰愁侵  
賜環真荷九重詔  
著綵先酬一日心  
侈向花間開養閣  
端於膝下理鳴琴

明朝誰撰重恩記  
枳鳳終看在上林

次王南渠作冠山韻

黑頭誰辨臥青山  
整頓烟霞薄領間  
人過草堂畱問字  
鶴歸瑤圃報開關  
借鋤種竹新藏檻  
取杖尋谿遠濯澗  
只爲赤心磨不磷  
上坡頻向夢中攀

和張南川韻

干戈俎豆屬時賢  
贏得閒身訝葛天  
霞屋風清移竹



滿溪堂水暖看荷圓眼中過客還傾蓋指下高山擬  
絕絃文緯吏經公不妄幾人監郡至今傳

次韻復邵二泉見寄

乍愜南薰一枕餘三吳遊屐報還初絨書千里錫泉  
好背面十年梁月虛世事未能忘我輩生涯猶及讀  
公書昨來空與心相約起傍幽真問所居

去歲本到蘇  
常賣文紵貧

因得訪公及君  
謙等不果所行

戲贈鄰翁愿畱久坐

短几深杯方漱匕疎籬細雨自霏匕誰家今夜空投  
轄勝事平生未拂衣無數青柎開處好不妨翠袖折  
來稀請看舞蝶匆匆意應避清霜帶雨歸

雨後湖上

肩輿好日相將去草色城陰潦未乾九院雨聲收曉  
竦六橋人影散晴瀾綵船只在屏間度朱閣還來鏡  
裏看疑是水仙歌舞地練裙羅袂淡粧殘

將訪楊君謙先此見意

不見楊修十五年封書不寄思悠然蚤時心事憑誰  
語今代文章自子傳離別未收燕市淚去來只駐閭  
門船此行準備閒遊走莫訝吳淞一櫂烟

和顧東橋先生要遊戲龍院暮歸韻



江風吹節及新涼朱草青林引路長今日府公情散  
朗舊時山客鬢浪蒼淹留蘿戶頻香篆欬唾霞門幾  
繡裳燈火相將歸事晚睡鳧驚起遶漁梁

次俞秋泉來韻

野情原不厭清遊春夏蹉跎又送秋豈必籃輿終偃  
蹇奈何蠟屐尚淹留偶因門戶頻稽約遂枉篇章遠  
散愁夢裏故人今識路秋泉墜葉帶紅流

黃洲書屋圖爲雲間守吳肅威

不寫雲間五馬圖良工筆意在三餘元留西鄙封塵  
篋人去南陽憶舊廬明外泉寬飛屬玉階前土窄長  
巴且硯池休使蛙狼藉未弔蒼生不著書

和草庭韻

邯鄲夢斷不論功從此惟憂酒琖空半塢松雲詩自  
好滿牀袍笏道終窮頭顱我是十年別趾爪誰當一  
笑同尺水片山俱在眼長篇大杓舊推公

遊華頂用噩夢堂韻

絕境誰嗔一再登鳥低花淺最高層山形北盡蜿蜒  
立海氣東收渾沌凝三閣烟蘿空對雨一亭風露劇  
圍冰百年未滿勝情在扳取杪蘿映紫藤

和何老先生大司馬八十自壽韻



夏鼎集卷之九  
五  
嬾作三清上上仙脫身來濯五山泉園同迂叟獨行  
樂榻亞希夷有睡緣肝膽未忘經世業齒牙財及後  
來年登高賦就南飛曲越絕東頭各暮天

輓妻叔楊存白

東原宿草已藏蛙猶記潘郎面上花風月總消埋玉  
地衣冠元是却金家梅軒誅德姻何忝蘭砌陪詩嗣  
可跨館下老生雙淚盡眼中多少舊光華

築楚門塘次韻

和王監郡

等閒潮汐似涓湯投壁沈犀奠一方淇上竹枝應剪  
落江東米價不教翔稻梁自昔歌生鹵魚驚從今號  
樂鄉鼙鼓不驚防海暇彎弓取次掛扶桑

海上韻

自昔楚門稱絕徼具舟今日賞先登旗繙鼉浦靈風  
滿劍洗龍灣紫氣升磨礪雷詩方十丈釀濤爲酒破  
千層平吞海色三山近鶴背通仙舉足乘

初秋書懷用杜韻

西風入戶塞鴻飛慨嘆書生跡尚微常怪衡門無獻  
納實憐萬里有忘歸高車滿地隨朝露短布頻年坐  
落暉可是濟時心漫切幾回因夢著朝衣

遊國清和噩夢堂韻



重遊又是十年登暫憩丹崖綠樹層寺主久違今已  
老梵王長在法猶凝晴峯亂插千尋碧寒溜斜飛百  
尺冰頗愛前人詩句好剡崖不用剡溪藤

丙申除夜

弱曦尋沒鳥深投爆竹無聲獨倚樓一歲光陰今夕  
盡平生志願幾時酬路邊莫道無耕豕車下誰憐有  
飯牛烈士不逢宵不旦男兒安得賤封侯

靈江送別林別駕乃兄

黃堂歲暮俶歸裝知是元方別季方馬識曩經青草  
浦人猜原著綠荷裳天連桂嶺家千里木落澄江雁  
數行世上功名皆涕淚不須腸斷送斜陽

長安

踏遍長安九市塵馬蹄人面逐時新貧堪賣卜  
皇城下老只爲商御水濱金重每憐牛汗背牙多空  
使象焚身遠臣觀國無窮意都願官家億萬春

送孫允防分教宜興

花落閒庭細草繁中宵不寐憶南轅金羈送客春風  
在木鐸之官古道存病逐時髦堪一笑眼看世事欲  
無論別君已判思君老腸斷天涯濁酒樽

遊金華還韻寄答內翰謝先生



台下文章修史去匣中筆硯看山餘碧波畫舫人何  
忝白日青天雁有書詩到幽并真汗漫夢還江海本  
空虛分明見我猶多病敢愛清時舊隱廬

秋日漫興

一臥孤城野水旁人中冷淡此茅堂照江寒菊無多  
艷出塞高鴻有幾行東北君臣空嫗煦西南民物  
日淒涼山中歲歲成何事空切丹心在履霜

送王盧同年赴名

童穉相看雙畫錦忽聞嚴名欲駢七澗毛流水元  
同調雲翼高天不共飛且乞斑衣容老母羞將好事  
與心違別來面目君須見只在高樓望帝畿

京華送梁先師之任

台嶽先生散鐸聲相逢弟子住燕京門牆似我猶孤  
義道路於人亦有情來看白雪三冬盡去逐青春幾  
日明已備南風生廣澤願陪行李問前程

舟中呈同年

追隨落日下荏平碧柳黃雲塞暮城漕卒連檣中夜  
發塞鴻搖翅及秋行輕舟自向沙邊宿新月還來水  
上明此地近君須努力暫時歡笑恐勞形

梅



赤城老客時時到松屋梅花夜夜清長歌白雪子詩  
好獨立蒼烟吾眼明太素私疑天女種孤高何用滄  
波橫前生我是林和靖更乞梅花過此生

與敏之子器王一茂飲于永言新居

鵲聲先我報君家藜杖輕裙拂曉霞既許青山分半  
席不辭白髮畫雙鷗酒杯香散連天草蝶翅殷隨隔  
岸花步履林塘春雨後不妨歸路夕陽斜

黑鷹

形小視雄毛骨稱眼中之物定何來千年爽氣收鍾  
岱一日寒空掠鳳臺愛爾寂寥真曠見令人出產漫  
多猜傳聞黑水多奇種天地中間養異材

國清後作因想武夷匡廬諸山水未到

市闐入北八九里樹色烟光接梵天雙澗寒飛珠竦  
合五峯晴擁繡雲連粘花淨撥看蜂墜夢月香林妬  
鶴眠遠興未忘才力盡白頭方愧此山泉

和鄭方伯巖山天台道中

仄路危橋草樹昏山紆水緩乍清魂行邊風土記巖  
邑停處茶瓜識敗村謝屐幾層遺勝局騫槎兼得問  
靈源龍文嶽節分明在病骨無緣一扣門

寒巖



眼中一山發興難肩輿今日欵晴霽青林流水雙橋  
靜翠壁浮雲萬石寒尋常文字工題筆信宿烟霞嬾  
著冠更起褰蘿陟磴去巖碑洞刻細尋看

雪

疎似遊兵閒自整密如累陣斷仍滋積深隘巷全封  
堵倒落高林細寫枝遙觀直欲干天極重載方虞損  
地維不獨烝黎苦沾濕烟花容繫發春遲

詩七言排律

用張白齋韻留別諸寅長

怪底從前釣餌馨百年歧路要須經金陵王氣分明  
見玉潤鳴泉造次聽宦業無能裨一議生涯安得及  
千齡恩榮未報頭先白寮案相看眼盡青視藥或  
曾憐病鶴散衙時共踏長鯨送行馬過飛花市問事  
人歸積草庭堯德難名真浩蕩蜀莊何用但沈冥  
病於寺裏辭鄉月狂似宮中奏客星好寄書來存落  
寞悔將詩過鬪精靈從前杞桂偏勞棟自此璠璣却  
羨瓴禪誦在家稱老宿耕桑與國備中丁夢來高座  
同反<sup>平</sup>獄憶看微名共列屏心似放禽思檻戶身如  
野鹿釋鑲鈴汲清對客烹茶薜掃白催人釀木茶遊  
展臘殘春冉冉釣船流去雨溟<sup>匕</sup>輪羸自古蠻將觸



笑怒由他電與霆英莛三年惟刻骨神交千里本忘  
形自憐斥鷃蓬蒿裏鴻鵠高飛惜羽翎

詩餘

滿江紅

夏雨連城葵榴損酒杯蕭索人臥起鄰烟送過午晴  
依約柳外鶯聲原不惡夜窗燭暗花難著會有時三  
足赤烏飛公行樂 寒猶在雲如乍門半掩愁牢縛  
中心多少事與誰相約也只爲蒼生尋活路奈如今  
自家擔錯更不須罵雁與嗔鳧都拋却

阮郎歸

如酒明湖未放船時節欲開蓮壁後茶鑪幾點烟聽  
雨小窻眠 雲解凍水平田蛙聲又一年晚晴花草  
落愁邊呼童問酒錢

臨江仙

榴葉竹屏閒處好香街雨夢無緣聽人說着指瓊鞭  
娼樓嗔短舞書枕有高眠 幾夜晚眠還早起城中  
一半風烟畫橋蓋水樹陰連柳眉傷老大鶯口弄清

圓



補

再遊斷洞

勝事依然在重來載酒看青天宜少映白日只長寒  
石色苔千檢泥香藥一簞主賢賓自好個個得詩還

夏赤城先生文集卷之九終

明夏赤城先生文集卷之十

同郡趙方厓先生原定

嗣孫名賢重梓

雜著

釋對

有嘗為諸生為其師長文者其末曰因吾師請稍就  
而結焉師惑乎請之說以為生慢己也怒於色舉於  
言手竄其傍數字并不得師之云又為稱如未嘗為  
師生者使於其友以聞詎於其兄至大枉其心乃後  
止予聞而閱若生者為之解曰師以不可請乎請與



求爲義今夫取物於人猶謂之求取文於人請不可乎不可謂請其將謂何夫文宜必有通乎用者古者諸侯使卿大夫聘於天子天子使人於諸侯亦曰聘春秋取物於列國吾有而吾取之猶曰求乞與求義同而辭益卑古者天子養老而乞言是君不恥自卑也獻與聘事類而用益尊古者君饋焉猶有曰獻是君不諱尊臣也哀公問於孔子曰請少進是君請於臣亦有矣君與臣者比若是師弟子而請焉果不爲不可也或曰請出於師之口可也弟子不讓而自請之不可也此其爲不厭者乎曰茲所謂或也道無內外名不偏施父子其子而子不得自子乎彼請而我請之亦猶是爾必以爲慢己也則周公大聖而爾其祖考子思鉅賢而字其大父周人作詩多爾其君無不存乎經而見於孔子孟軻以至於今而未有非之者然則爾與字與請果孰爲輕慢乎彼不爲輕而此以爲輕必不信之言之者果無罪責之者誠過也就使生有意焉以輕其師必也徵不韙之文於篇末夫豈意其不以示人哉吾見欲輕夫人而自示其輕彼之不損而我之已壞世豈有必行其傲如此哉且門生而傲其師長又何名也安望哉生操筆爲文宜不



如是也然則乃有不知而陷焉者乎不知者胡可以  
大罪乎若生者其師名而責之可也使其昵問而問  
之可也如此則彼得以畢其說而我亦可以無大過  
矣傳曰牽牛以蹊人之田而奪之牛牽牛以蹊者信  
有罪矣而奪之牛罰以重矣若師生者得不類之乎  
生吾不識也而識其師世之有學問君子人也吾見  
亦恂恂焉望而知其內之有也安得有是哉其戲邪  
傳之者妄邪將別有其人而非吾所聞乎皆不得而  
知也或曰師忠厚人也其膳肉生乎若生者必其平  
日之不能嚴師之未備其醞釀以成之乎不然安取  
此哉殆是也吾將求師與生而問焉作釋對

### 羨里辨

史稱紂囚西伯於羨里西伯之臣求美女善馬珍寶  
以獻紂匕乃釋西伯辨之者曰聖人而用賄乎苟可  
以免患聖人而必用之乎不善之器亡國之物而必  
以進於君乎聖人之於君必若助其惡而以庇吾躬  
則爲之乎抵其君以亡滅而自超於壽安其亦肯乎  
惕於威而不暇擇棄其道而就於邪此宜衆人畏死  
幸生者之事不當以聖人有之也聖人者有殺身以  
成仁無求生以害仁者也史又曰西伯出而獻洛西



之地以請去炮烙之刑吾是以益不信之紂有嬖曰  
妲己實助紂爲虐由是以見西伯苟不曰諫者以死  
而無益必將請於其君使逐妲己不當復求美女而  
滋之也抱薪以繼其焰引手而撲之反覆詐妄在聖  
人愈不可言吾意西伯拘羑里呻其卦畫憂以文辭  
如此而已耳必不動其心以免禍且禹視龍猶蠅蚘  
聖人之於死生如代寒溫與之忘而不駭俟而不營  
固如此安有見難而不能致命安義如古之傳者則  
以爲文王乎或曰是何不曰西伯之臣閔天之徒歟  
曰賢臣之愛其君亦未必然也雖然吾懼後世之惑  
將失聖人之心故甯過爲之說以正之

### 原人

夫人何爲而生也有天地萬物不得不生人使誠無  
人天地萬物亦不能自爲有無有無繫於人人之任  
不已重乎夫天地日月山川金木土穀禽魚歲月寒  
暑祥禳等目使不迷乾度輿志水文星歷井隧芟藝  
羈鞅阱格禦攘等制使不亂破昏沓就明懿其大位  
育凡皆以人人之任不已重乎由是論之夫元造者  
之生人爲急天地五材百物次之生天地五材百物  
也意先在人生天地也若爲人蓋藉生五材百物也



若爲人餽用是元造者預見人之不可無然則人之  
有功於天地萬物也亦不在天地之下自視眇小奄  
忽何也舉天地萬物望待於我我則不能以其類相  
安相養於此世羣起而食人之食以毒其類又何也

### 燔書論

嘗思秦皇李斯焚書坑儒事竊以爲天下後世賀不  
必深過夫人也何則禍天下之大者利天下之大者  
也方周之衰始皇帝之前有爲老聃列禦寇莊周荀  
卿者迭起剏論同指異詞云仁義禮樂爲必可無無  
之利天下愈於有而謂聖人賢士亦然皆書而傳之  
燔書不易天下熟其言惑之意必有慕繹其法而未

之嘗試爲也如此而又世之無忌憚者有以逞不憂  
無詞是其勢苟未至於滅六籍殺諸生不止也譬則  
必潰之瀾而秦以近當其衝首用之亡後之人覺其  
不可襲而爲也於是乎深用爲戒而天下後世卒獲  
免焉噫誰之功也不然後世豈無不事詩書之主如  
始皇者哉然而未嘗大有得罪於名教謂無所懲創  
而可耶不甯惟是前日取儒冠而溺之則一事也今  
日過魯而祠孔子以大牢又一事也何前倨後恭一  
人而爲之也吾有以知之矣前之致穢儒生者未知



鹿死誰手始任情焉慮且未遑也後之欽聖靈右文  
教者天下已定非此滅亡可翹足而待也彼其去秦  
幾何而不以爲鑒而得爲漢高哉又其後有敢爲賊  
害頗無顧忌如漢武隋煬議者謂去始皇皆無甚遠  
也一則表章六經一則自爲文章彼其於是物何如  
也況不爲漢武隋煬其所懲劄斯宜何如哉藉使秦  
之亡有不以是故以爲是適當其時也猶將諱焉曰  
是亡徵也況果用是道也哉一舉而斷天下之疑絕  
後世之禍以故擬諸賀也

孔明論

士有以天下爲己任而欲辦一時之大事必先自重  
以待人不當輕身以從人所以然者蓋亦觀其人之  
誠與不誠以篤其所以用我者耳然則士之所爲自  
重而不求者乃所以求盡其用於世也方孔明之在  
隆中昭烈以徐元直之言枉駕就之至於再三乃始  
一見由是言之若於世不屑也而其實不然孔明嘗  
自比管樂已又嘗抱膝長吟謂石廣元等仕可得某  
官而不言己所志是其可知也已嗚呼夫以孔明之  
賢不幸生遇漢季羣雄競逐分裂其土地魚肉其民  
人以逞鼎之不搖動易置於大盜之手者幾希由是



以知孔明蓋雖寤言寐語亦惟得人而赴之相與戮力虜操暨權然後挈九鼎以次還之劉氏使祠漢配天不失舊物此孔明之志而不輕出口者爾不然一見之頃揣量二虜頓足荆益以窺天下言而後行無一不復非其經畫先定言出而不易如是耶吾觀孔明之於漢子房爲韓之心也夫人情有所急則不暇於禮文之末疾趨而就之可也而孔明必待三往之勤以禮責人僕僕不少貲乃其微意斷可識矣噫此殆子房所未暇至其用沛公以卒成皇帝者所入之途異也古之人如渭川淮陰每不敢輕用其才用之而弗盡猶弗用也是故必待後車始載築壇乃興孔明三代遺才茲非淮陰之比比之伊呂固其是也淮陰則不敢輕用其才而謂孔明爲之乎及其鼎足旣成銳意討賊不死不止人見昭烈之能用孔明不知孔明先爲自用之地於元德偃然以致人漠然而愈親顛倒詘曲要於必濟是備亦嘗墮孔明術中而不知也蓋嘗論之古之君子不用則已用則必盡其才知自用其才而已耳後之君子或才知足以克亂復國算有餘策而一不知自用其才遂使主君者視之若有若無不以竒待之若有若無不以竒待之則信



而未至任而弗專此乃欲爲之士嘗患於用之而弗盡甚者大功棄於垂成百世之下猶使人萌亡不已故善爲用者必先去其若有若無之心以一其志而專其用故曰尊德樂道不如是不足與有爲也

### 伯彝論

或疑伯彝就食文王既不嫌於助周前武王觀兵盟津又無一言譏彈至大功立成乃始扣馬以諫不幾於內實不然而見於外以飾詐者邪赤城居士曰是殆吾所以覘伯彝之心也要亦急生人之心聖人之急生人何獨伊尹爲然伯彝伊尹雖先後不同而同生衰世同值亂君紂之惡甚於桀之惡當紂之時生人蓋日輾轉於湯火以死未死者偷視日暮伯彝所親見聞於是時有能出一世於烈火之中以傅衽席伯彝宜如何也夫以臣伐君雖伯彝所甚惡不願一接於耳以爲汗漫亦孰知於此有大不得已者而傲其君臣一念之誠則亦不免少借於中姑使遂焉以卒天下之大利雖甚惡而不得去是吾所以覘伯彝之心也昌黎韓子曰若伯彝者特立獨行至非聖人以自是予曰不然伯彝之諫武王名非而實予之曰如子之言伯彝於君臣之道無乃猶有不可爲



教者邪曰君臣之道吾尚得以吾身圖之不但已也予故曰縱周以救一時束身以教萬世伯彝有焉

黃老論

蚩匕之情於夫人敬慕之至而意有未厭乃得爲添展繪繡取快目前他亦不暇計也噫是殆人情敬慕太過之一解然非夫人所願樂也是其後世循言之弊必有不可訓者慕之乃所以外之敬之乃所以毀之也世之言黃老吾甚寃焉夫黃帝實三羲農光啓堯禹亦不過古之神聖人焉爾已當是時亦未有河上元教西方淨理何所崇而飾之用爲別流舉首鼎湖橋山荒唐弗按之說偃然四出不然後之賢士大夫何從而受之曰黃老黃老黃老兩言日不輟於賢士大夫之口甚矣黃帝之遭謗也夫亦由人之敬慕太過也不然羲農軒后堯禹舜文周孔類也正大光明有如天地日月豈其配舉若此至今爲皇德萍蟻也邪或曰殆亦記籍響像有以開之在黃帝實有垂衣裳清淨無爲之說老氏者因竊附其說以自立不知聖人道化自然澹若無事非老氏絕類自便有意作之者然也宋太史曰黃帝之書不傳亦不知黃帝甚矣子華子近之而紆也



大學士李東陽諡文正駁議

頃聞大學士李東陽易名文正臣竊不許夫寬借一人可寬借一人至妨一代人譽不可東陽於文甚得時名又早有入閣之望操筆爲文者率就正焉東陽亦喜拔附己者多至大官誅德之地實門生故吏報恩之會而禮官議臣不暇舉其職文辨而止噫不慎也如此 本朝從前未聞一人諡正者其慎也固如彼夫以國家飾終斂美百世爲公之競典一變而爲報私恩之小物世道羸絀亦可畏哉如東陽爲人亦不必深舉細掇只其爲逆瑾譔某寺碑文瑾敗進本什碑一事堂堂大節亦足以宣示其非正已夫得諡爲正在 本朝實自東陽始以示後世何緣不曰諡正者尚只如此其不然者可知以爾行事自露 本朝無人明白簡切豈更有加於是役臣於是不欲寬借一人者患在一代人譽也如東陽止宜於通敏等字擇一授之萬萬足矣幸停此二字以待華實正人之生必使從前推論 本朝亦未可便謂無其人能不以一眚掩大德有可振代者有人弗議議非其人益使後人彈笑賤薄倘 聖主必欲出其人臣亦不敢終藏



仁說

體大物全莫如仁也者人也盡人之道者也故曰仁之取數獨多五常之仁猶四德之元一生物一愛人仁之分職易見一事言仁則義禮智信并舉之矣義禮智信不備不可以言仁明誠仁之初終敬義仁之表裏初終表裏不備不可以言仁求仁有道難在克己克己有道難在盡去盡去有道患在復生故仁者易敗而難成者也孔門答問皆因病而藥於是見仁之體大無有一理非仁之枝葉管仲仁其功不仁其心三仁也其心不仁其全若顏子能不違於三月之後亦可以言全矣必求其仁亦不在堯舜文王周公

孔子之下

鳳鳴說

近刑部員外郎林君俊以言得罪後府經歷張君黻訟之南京兵部尚書王公恕又訟之銜聞狀再拜因記李善感事作鳳鳴說鳳靈鳥也兩見於虞周之世餘無聞焉李唐之時復一鳴而非鳳也非鳳而謂之鳳何也曰少也何今之世一鳴而和者二何鳳之多也虞周未有也然以其鳴而天下治雖謂之鳳可也繼三鳳而起交喙疾鳴太和雍熙其不在今乎然則



鳴而爲鳳不鳴而爲凡鳥皆不必足而翼也若其曰  
鳳兮何德之衰此自爲不憂 朝廷者之私鳴也君  
子亦無取焉

### 凍翁說

好古生以事出冒長風藉積雪袖若懷冰領如負鐵  
強顏驅策亦旣半於道矣馬前有凍翁敗冠不遮首  
朽布未及脛臂如灌園之筒腰如在虞之磬行於道  
路跡不距寸拊口結舌時作痛苦之聲好古生見焉  
愀然不樂者久之顧謂同行者曰先王之世此時此  
處無此老也吾安得不出同行曰以吾聞子是之言  
空谷足音鑠金雪色殆不爲少子旣陟青紫矣設吾  
於此時此處復見此老吾尚得以復子矣好古生笑  
曰子何識之固而言之卑也夫良賈不能必售以在  
人也良醫不能必活以在天也吾知吾事而已爾彼  
在人在天者吾何能必亦何可必同行者唯唯曰吾  
乃今始聞君子之言

### 棄蠶說

乙未之春歲則宜蠶家筐戶簿衍輿盈肆於是桑髡  
於野女泣於庭一把之木售而弗算蓋不翅十倍其  
常也東鄙有婦自計蠶之利不若桑之利問其夫夫



無間言於是抱蠶擇地而瘞之取桑而市之予聞而  
歎曰夫蠶之利固不若桑之利也曾謂失心之害亦  
未若失利之害歟夫婦知彼之爲利而不知此之爲  
害真昧忍好利也婦聞而罵曰爾以責我乎夫覬利  
忘修舍遠圖近天下皆然也爾以責我乎予聞之笑  
而不答

賈一之字說

天下有一言而貫道曰一一也者不雜以二無倦於  
終之謂也一非道也而道莫之能外也道而不一二  
以非道德而不一賊德者來仁而不一欲伺之義而  
不一利入焉人而不一曰妄人天下其孰肯爲妄人  
亦孰得不爲妄人其不爲妄人者天性也其卒不免  
爲妄人者氣質也然則學焉以變其氣質還其天理  
固而守之爲一之之道無疑也書曰德惟一動罔不  
吉一之報也詩曰士也罔極二三其德不一之醜也  
又何怪而不爲一何抑而爲不一鏃之友賈恆字一  
鏃請以吾有異聞也於乎果有異乎哉天下一理耳

黃宗勤字說

吾友黃汝修之仲子名繹字宗勤并取賚之詩蓋欲



宗勤繹思前人之德以自爲勤也旣而宗勤請爲勤之說勤一也而有所爲勤文王勤商姬旦勤周仲尼勤萬世天道勤有物上也仲尼之徒爲顏曾思孟四子者勤學聖其次也孟軻之後爲董江都諸葛南陽王河汾司馬涑水或勤道藝或勤事功又其次也下是爲榮利爲溫飽刺股誦薪殆其人歟是其爲勤不如無勤也宗勤見補文學弟子員今之法弟子肄業大約有二曰講解曰綴緝宗勤晨起夜臥孜孜矻矻講解也必曰吾以明體以待用綴緝也必曰吾以儲言以待敷不然是媒祿利也縱不能光益前人之德更忍詒之辱是其爲勤殆亦下帷警枕之類茲不可無勤也吾浙之東有縣道一二區土狹人衆生子不問多少盡挈之就經生業舉進士專取脫寒餓爲溫飽計行事甚明白亦不須更諱業又勤甚雖老不釋益致甚精故多得於乎其視六籍爲何物也用是爲始進愚意其縱得過化之聖人貳以左右弓檠之亦恐不能善其後也是其爲勤果不如無勤也予嘗竊患之偶一出口以宗勤可與言也宗勤勉之周元公有言士希賢賢希聖聖希天則與予前之四勤者言人以及天偶應合焉請必誦之以終吾說宗勤勉之



途之人可以爲禹亦在勤而已耳

### 半川號說

昔王介甫號半山近時有號半江者吾友趙栗夫其人也今鄉進士林典卿又以半川爲號韓子曰川者高高者流其道易施也稱川爲號豈亦謂是邪乃若配此一字類曰半云者是不欲居其全夫亦示之讓也然而有不讓者德必求備才必求通學必師孔孟人必爲全人而文必法秦漢以上下采唐宋略及四家而止用世立功則愿爲伊周不則爲漢晉以還一等人物如子房孔明謝安石宋廣平狄文惠韓范諸公是也噫是實不讓而名讓實不讓而名讓君子必由也典卿可望以有爲者欲得予一言予不能免夫號未必有說也爲典卿起例云

空夫說

余宗周繡衣名濂號空夫

空乎吾以待天下之善而納焉固將以空天下也天下之大曷爲空吾盡取天下之善崇於吾身天下雖大善無遺焉夫安得不空也夫勉之吾見天下之將於吾一也抑非吾子其誰可與語此

本政通

退之作本政釋之者曰僻澀不通定爲少作間爲通之亦不知果通否也

退之曰周之政文旣其敝也後世不知其承曰安承



夫文質之對事物所必有亦在不可無其勢必不得族出之但使取數少於前遷其所損之數饒借忠與質若晝夜短長然斯可矣夫忠者盡己質者無華而實凡爲政盡己而實民有不被其澤者吾不信也若文則先已涼矣雖然後世所謂文非周之所謂文周之盛時雖文不去忠與質若濟必以舟不徒涉也亦讀書立政篇乎夫政莫先於用人取迪知忱恂之賢爲知卹之政周之盡己而實雖二代何加焉若季世則不然至於今之世往往倚文以爲虛妄敝在文也爲今之計莫若惟文之損用其不暇於此暇於彼先以蓄力又且名爲損文實損虛妄損虛妄則忠質之風可復挹見矣又曰無其人不可望今其言曰古之神化變易云云是以有人望之也予意不然講求商周斟酌質文亦足矣

富貴答

人有問於予者曰富貴利達其可以無其不可以無將曰可無則吾見世之人踟躕修阻者天下過半焉若是者固可無乎是其可無吾未之能信也將曰不可無則吾復見古人之窮餓曠漠者又皆蘊璞懷玉之士也若是者固不可無乎是其不可無吾未之能



信也曰古之窮居寂境與今之奔走畏途者其孰賢孰否曰古之人古之人然則子固知蘊璞懷玉之不可尚也且子謂蘊璞懷玉之士與今之狗物忘身者其所見孰大曰蘊璞乎蘊璞乎然則見之大者其所嚮亦大矣復何言哉復何言哉

雜言四章

安居而不虞飽食而無事履幽溪適晴隴止蔭而清風自來濯水而白石可數尋潭觀魚記林聽鳥或結侶賦詩或呼童取酒既倦而歸惟意所適隱居自樂者用之吾少而有意焉至於今猶以不忘

鏃過京師見有人者據文軒走徒而從吏足聲過而塵埃在空伉門而深居 天子與政而恃力者也大官晝謁巧夫夜請車馬去玉帛來左右之人擇言而畏禍先意以取悅賓客沐浴而有事無德而見譽穢身而清聽長腰細項意真而容曼華糝而靚飾倚閑窻接芳席皓齒出聲不數絲竹如此者不知數焉奉體而惟欲禱心而願幸世謂之大丈夫者吾惑焉又有齷匕自守逡巡坐歎簿書以盡心往來以靡祿亦無取乎是又有乞助乎力勢伺候乎公卿前有閹人之呵後有



隸人之辱負牆而立闢門而趨升階而失容見客而無色窮宜子曰吾以是知富貴之重於世也

閒意三首

談者之言後世不獨民生受煩擾於官府不獲甯處雖山水木石雲月等亦不勝煩擾囂然爲人給呼喚且不暇談者如此意頗有在近年吾鄉進士輩扁號特盛黃巖仙居尤更溢設未冠小子亦以號呼噫可以觀世降矣

至德之世山無蹊隧澤無舟梁填填于于之民與物羣生竝遊當是時求其所以別於禽獸者殆不可得既而聖人者出日需歲悟節生百用以次興舉順流之弊卒至毀樸爲文枝葉日繁根本日削以至於今有反之理乃益趨何也

嘗試論之生民之初熙怡簡脫不私貨力無機關鍵籥忠口在心可恬淡無爲治也後世私門旣開如夢覺縛解舍覺還夢去肆就縛勢必不可於乎大道之行所以絕嘆於吾夫子也今茲奈何

楊家邱小志

予嘗與潘堯卿遊於郭之東至一處草施如剪林延若廡草間巨石破蘚出之可列坐林間好鳥銜簧吐



之可勸杯予得之喜問其名曰楊家邱蓋自是浹日  
一至焉月不害三四至坐草褥就林陰聽好鳥逍遙  
石上若是者數年而棄去不言矣嘻此亦人情不美  
厭慣憎舊之一事間志之以儆其外

### 學海箴

我車不息可以恬天仲尼惟海回也惟川求也而晝  
由也而矜學山不至於乎丘陵

### 元山書屋辭

天地渾七氣未核兮剛柔旣形爰有截兮圖象出河  
人文孳兮大道九達作陸籍兮十史百子于屋極兮  
耽帙不知經殘缺兮殉道未遑憶山石兮普天沮洳  
龍斯蟄兮扶搖九萬沈冥七之德兮

### 追慕堂銘

有引

余君繼馥之尊人邦璫公篤孝而終慕余君以命其  
堂而徵言於予於乎有親不及養而養於其子以至  
感泣罷燕樂孝子之志也而其子亟就所居室而表  
見焉以共承其志又孝之孝者也有遇於此事言其  
得已乎銘曰

繫生不幸風木鳴腸割而澆之其毀如傷悠七是役  
身歿心存矧伊孝子目見耳聞白日在地赤壤在天







